


" Ni kunnafoni be mögo walawalan, kunnafonibaliya be mögo kunnasiri"
(Seku Umaru KUYATE)

KALAMENE



Kunnafonisében min be bo kalo o kalo ka jesin duguw n'u
sigidaw ma u ka jetaa sira kan. Boko woɔɔnan, Desanburukalo 1992

song: sefa 20

CAURIS



Musa TARAWELE
n'a nɔkan mögɔw ka kití

nº 3

An ka jamana
kɔrɔnyanfan gelsyaw

nº 4

jiriw nafa
ka ca...

nº 5

MAAKɔRɔW KA
KUMA
OAPF / UTS

nº 6

Farabana musow ka baaraw

nº 8



JONI BE MALI DON?

Okutoburu kalo tile 26 san 1992, Kita senekelaw ka sindika ye a ka ladala nögonye do ke Kita Kibaruso la n'a be weele «Kita Kuru». Mogo 104 de tun be nögonye in kene kan. Nögonye tun be fen kónonton de kan. Olu file: Folo: Kita bolifén sira ko.

Filanen: Seneké minenw ani seneké fenw songo ko.

Sabanan: dökötörso ko.

Naaninan: Kolonbaw senni.

Duurunan: Nosi mansi deseli.

Wooronan: Balikukalan netaa ferew tigeli.


Wolowulanan: demisenninw ka kalanso ko.

Seeginan: Senekelaw ka

Mali donni Ce bo dan ye yere bo ye

koperatifu tanja.

Konotonnan: Sannifeere. Nin fen kónonton folenw b'a jira ko geleya caman be tiga faba la. O geleyaw dabali be soro Gufereneman ni Kitakaw ka jekabaara la : guferenemanani Kitakaw ka kan k'u joyoro lafa w a l a s a d a b a l i




file wogomawu yuocou

ka nesingelya folenw ma.

Seku Umaru Kuyate,
Kalamène sebenbaga.

Bamako

Yeleko
(Terice saba...)



Seku Umaru Kuyate,

Jelikemogo ka laadilikan ma don Najugu tulo la kosebe, k'a sababu ke Najugu kewalew ye.

Najugu kera i na fo mogo min neñinen don ka ke a a ce teriw la ka sababu ke a miirinataw ye : mogo saba je, kelen b'a kun fe.

Kuma koro don, nka yaala tipe wulibali don wa ?
Don do tilegan fe, tuma min na Sunkalo ni Najugu be mansala

la, Sanba ni Jelikemogo girinto donna u kan :

- e! ce, an mago b'i la sisan, wa a teliya de! o ye Jelikemogo

kumakan ye.

Sunkalo jawilibagato ko :

- Mun kera ? ko di juguman te ?

- Hee! ce, misi minse faga sini, o kono fen, nininkalikun te bi : o ye Sanba kumakan ye.

O folen, u donna so kono nögon ye la.

Najugu hakili tijena, barisa ale miiri la ko ninnu b'a fe k'a ce kunnati ne a ma. Tumami na ni Sanba, Jelikemogo ani Sunkalo y'a don ko Najugu be k'iden k'ulamen, da kofe, u y'u kumasen yelema nin cogo la :

- Ce, halibi e ma se k'an muso woloba ka saya fo a jena. O ye Jelikemogo kumakan ye.

- Kamalen, e yere be Najugu don... ne hakilila, e de be se ka hin fo; barisa kabini lawale la, aw jeliw de tun be nin nögonna lase.

Sanni Jelikemogo ka Sunkalo jaabi, Najugu kulela !

- Ee! Ala ee! kira, ee! ne woloba bëre tunnuna n'na. Ee! ne tora kelenya la !

- Ayi, i tora keleya de la : o ye Sunkalo kumakan ye.

- E, ko ne ba tora keleya de la wa ?

- Anw buranmuso ko te de ! e yere de tora keleya la: o ye Sanba kumakan ye.

O kelen, Jelikemogo y'i kanto :

- Najugu an fe yan, kin saba de be yen : Sabalibugu, Lafiyabugu ani Sikoroni. Ni mogo sabalila, Najugu, a be lafiya, n'a lafiyara, a be si soro Najugu.

Najugu sabali, barisa dije na sabali nögonna te.



KIBARUYAW

Ala de bë Tine dòn...Nka an y'an jigi ke kiritiglaw ye.

Minékun :

Zanwuye kalo tile 21 an'a tile 22 a.ni Marisikalo tile 22 ka taga se a tile 26 ma san 1991, an ka jamanadenw ye mankanba dò ke an ka

barisa olu de kéra fagali ani jogili sababu ye. Kiti in daminéra Nowanburu kalo tile 26 san 1991. An ka bëejefanga joyoroba bë nin kiti in na.



Mogo jalakilenw

jamana fan dòw la kérénkérényala. Bamako kono. O mankan labanna ni fagali ye polisiw, zandarimew, garidiw ani sörödasiw fe. O fagali bangera ni jamana den bëe ka wulili ye. O wulili fana bangera ni Musa n'a nökán mogo ka mineli ye sörödasiw ni polisiw, ni zandarimew némogo dòw fe Marisi kalo tile 26 san 1991. Kabini o don u bilara an ka jamana sariya ka bolo kan,

Awoka 26 de bë ka mogo dème kiti tige la minnu tora fagali in senfe. O Awoka dòw ye Mali denw ye, dòw fana bora jamana werew la. Musa n'a nökán mogo ye Awoka camanta walasa k'u dème kititige in na. O Awoka dòw ye an ka jamanadenw ye dòw bë bo jamana werew la. An ka jamanden bëe bë k'u tulo kérébèbè sigi barisa an ka bën sinsinnen don kiti in jaabi de la. Jamadenw

b'a fe nin fagali in tine ka dòn walasa mogo minnu kéra fagali in sababu ye, olu ka nangi, tine li kéra minnu fe, olu fana ka tine li ka dilan. An ka jamana ka danbe n'a sariya sinsinnen bëe bë dòn nin kiti in senfe.

Nemogo 33 de jalakira fagali ko in na :

- 1 - Musa Tarawele : Peresidan koro
- Gufereneman nemogokoro
- 2 - Mamadou Kulubali : jamana lakanali

bolifén kow an ka yoro koro wladonni minisiri.

8 - Mulayi Hayidara : sénékelaw ka minisiri.

9 - Abudulayi Amadou Si : farikolojenaje ani seké ni dòn kow minisiri.

10 - Lala Si : jamana baarakelaw ni baarakow minisiri

11 - Namanto Jara : jamana kunnafonikow minisiri.

12 - Amadou Demu : jamana iziniw, ji n'a kurankó minisiri.

14 - Nolo Tarawele : Mali jamana ni jamana werew cela kow nénabébagá minisiri.

15 - Morifin Kone : minisiri min bë jamana lamini ni baganw ladon kow nénabé.

16 - Sulemani Danbele : jamana ka netaa baara dabali tige cogo minisiri

17 - Abudulayi Jalo : Dokotorow ka minisiri.

BES nemogo korow :

- 18 - Jibirili Jalo
- 19 - Buye Sibi
- 20 - Filifén Sisoko
- 21 - Seku Minanju Tarawele
- 22 - Dirisa Tarawele
- 23 - Janka Kaba Jakite
- 24 - Amara Danfaga
- 25 - Mónzon Keyita
- 26 - Faginba Diko
- 27 - Nuhunzo Jara
- 28 - Mohamédi Talibe Sumare

29 - Amadi Bori Diko

30 - Sidiki Jara : Faso bulonba nemogo koro

31 - Masaran Konate malimusow nemogo koro

32 - Umaru Kanute : Mali denmisénw nemogo koro, sörödasiw ka nemogo :

33 - Usumani Kulubali : sörödasiw ka nemogoba

minisiri (sorodasiw, zandarimew ani garidiw bë min ka Minisiri so hukumu kono).

3 - Jango Sisoko : Minisiri ka kow wolomabaga

4 - Seku Li : jamana kono lakanow ani polisiw minisiri.


5 - Cenan Kulubali : jamana nafoloko ni jago ko minisiri.

6 - Seku Umaru Dunbiya : jamana foroba baaraw minisiri.

7 - Zeni Mulayi : jamana

Mori Dawo ani Seku
Umaru Kuyate
Kalamene
sebenbagaw Bamako.

TAABOLO



An ka jamana kɔrɔnyanfan geleyaw

An ka jamana kɔrɔnyanfan na, bagan maralaw tun be banga yaala ke yɔrɔ janw la. O bagan yaala tun be kɔtilema wagatiw de la. U tun b'a ke an ka jamana woroduguyanfan maraw kɔnɔ k'a sababu ke bin ni jiriw b'o yɔrɔ la. O yaala in tun ye dabali kerɛnkereñnen ye mintigelendon bagan maralaw fe walasa u ka boli jaba in ne wagati jan dɔw la. Bagan maralaw ka bagan tun ka ca u ka magow ma. O cayali kun tun ye walasa ka bagan dese nesigi, nka o kun tun te togo nin i ko ye i na fo mɔgɔ caman y'a miiri ani ka sèben cogo min. Bagan hake min tun be kɔrɔlen kan, bagan maralaw tun b'o faga walima k'u feere ka jo san k'a sababu ke jo de y'u ka balo ye. O bagan hake in de tun be geleyaw fana denesigi.

Ni bagan caman tun sara, bagan maralaw tun b'u nesin kungo jiridenw ma ani kungo sogow ma walasa k'u yere balo.

Bagan maralaw ka nin dabali in tur be yelema wagati dɔw la k'a sababu ke geleya balalenw ye. O tun be ke sababu ye ka bagan maralaw ni woroduguyanfan senekelaw ka je sinsin kosebe. Bagan maralaw ni senekelaw ka je in faamuyali tun ka gelen.

An ka kan ka fen minnu faamuya, olu file :

- Ni geleya barika tun bojana, o tun be ke sababu ye ka bagan maralaw ni woroduguyanfan senekelaw ka je sinsin. Bagan maralaw ka soro tun be yiriwa, nka o tun te dan sigidaw dɔrɔn na i na fo a tun be ke cogo min ni geleya te yen. Bayelemali minnu tun be bagan maralaw ni woroduguyanfan ce, olu tun ma dan baganw ka yaalayɔrɔw ladonni dɔrɔn ma. O bayelemali tun sinsinnen be soro sira fana kan. Bagan maralaw tun be jago fana ke. Utun be posan senekelaw fe walasa k'u yere balo. O kɔfɛ, u tun be finiw, keleke minenw ani masiri fen caman san. Bagan maralaw tun be baganw feere ani kɔgɔ ni tamaro fana senekelaw ma.

Jago mintun be ke saheli jamana la, gansan tun te, nafaba de tun b'a la i na fo W. MURIDOSI y'a fo

cogo min ko bagan maralaw tun be sajɔn san woroduguyanfan na, u be taga o fali kɔrɔnyanfan na kɔgɔ la. O kɔfɛ, u tun bena o kɔgɔ feere woroduguyanfan na. Wari mintun be soro o kɔgɔ feereli la, o tun ka ca ni sajɔn sansogon sigiyɔrɔma biseegin ye. Jago in nafaba tun be bagan maralaw kan, nka a ke yɔrɔ tun ka jan u la. Walasa bagan maralaw ka jago in ka sabati f'u ka boli fen nini min be saheli kungo in dɔn kosebe ani fana u yereb be se ka min boli. O ye naame de ye. O la, naame tun kera jago in sinsinbere ye.

Bagan maralaw tun ye fere do tige walasa k'u ka je sinsin kosebe ni woroduguyanfan ye. O file :

- Bagan maralaw tun be kɔlosili ke dugukolow kan minnu ye bagan yaala yɔrɔ ani seneke yɔrɔ ye. Ko min tun be bagan maralaw ni senekelaw ce kɔrɔlen:, o file :

Bagan maralaw tun be soro min ke jago senfɛ, u tun b'o don dugukolow la. U tun be dugukolo dɔw diyagoya minne senekelaw la. O tun be ke k'u ka lanpo sara. O bolen, u ni senekelaw tun be ben a la, ni samine bana, u be senefen do di senekelaw ma walasa dugukolow ka t'u bolo.

Yeremahɔrnaw talen farafinna, anka jamana kuraw nɛmogow y'u sen da fen fila kan minnu tun ye nin yɔrɔ in soro sinsinbere ye.

A folo : o ye naame ye. Olu de tun ye bolifewn ye nansara tile la. Filanen : jamana kuraw nɛmogow ye danfaraw tige u ni nɔgon ce walasa u ka fanga ka sinsin kosebe. O danfaraw kera sababu ye ka bagan yaala dɔgɔya.

Fen minnu kera sababu ye k'an ka bagan maralaw ka soro nagasi :

Olu ka ca :

A folo ye nansara donni ye saheli jamana kɔnɔ

Nansaraw donnen an ka saheli jamana kɔnɔ, u y'a diyagoya ko bagan maralaw ka niisogon sara i na fo jamanden tow b'a sara cogo min. Obolen, u y'a jira ko baganw fana ka niisogon be sara. O niisogon kow kera sababu ye k'an kabagan maralaw ka soro dɔgɔya, barisa kɔrɔlen, u tun te niisogon fosi sara.

Fen min geleyara kosebe bagan maralaw ma, o ye aliman keleba folo senfɛ u ka naamew sugandili ye nansaraw fe. Nansaraw y'an ka bagan maralaw ka naame fanba bɛe ta, f'o ko labanna ni bagan maralaw ka murutiliye san 1917. Omurutili senfɛ, nansaraw ye fagali kojuguw ke.

A filanen ye baga maralaw ka jago dabilali ye :

Jago min tun be ke kɔrɔlen saheli jamana na, o dabilara. O dabilara kera sababu ye kabagan maralaw ni woroduyanfan ka je tige. Saheli jago fana tigena k'a sababu ke naamew minelen ye nansaraw fe. O bolen, bagan maralaw ka bayelemali bɛe tun be nansaraw ka bolo kan. U tun ye yɔrɔ dɔw sugandi baganjago kama. Nka a jago tun be jekulu saba de kabolo kan minnu be bo an ka jamana kɔfɛ. Olutun be baganw sansogon fo. U sansogon tun ka dɔgɔ kosebe. A laban na, bagan maralaw ka jago ke dɔgɔyara, barisa a nafa dɔgɔyara.

A laban na, senekelaw minnu be woroduguyanfan fe, olu fana y'u ka soro sira nesin nansaraw ma ani jamana minnu be kɔgɔji da la. Okera sababu ye senefen jagotaw donna nin mara yoro la diyagoya wagati la. An ka yeremahɔrnaw soro kɔfɛ, senefen jagotaw yiriwara kosebe. O kera sababu ye k'an ka senefen duntaw seneeli dɔgɔya. An ka kunnafoni sèben mintogoye ko KORI, o ye do fɔnin kan a ka boko folo la : «Dabali minnu tigelenw don Mali fe ka nesin sene ma»: san 30 dabali jɔnjɔn ma soro.

- A sabanan ye bágan maralaw ka yaala ye ni baganw ye

Bagan maralaw ka yaala yɔrɔ dɔgɔyara. O sababu bora fanga ka fere la. Nansaraw de kera mɔgo fɔlow ye ka sariyaw tige bagan maralaw ka yaala la. O bangeria nin fen minnu ye, olu file :

Folɔ : jago tigelé.

Filanen : Bagan maralaw te se ka woroduguyanfan senefenw ni dugukolow kɔlosi kosebe.

Nka bagan maralaw ye fere do soro ka nesin nin geleyaw ma, barisa nansaraw ka danboli ma sefanbee. Obolen, jamana kuraw ka nɔgon ce danboli ma se yɔrɔ

dɔw ma. Nka nin bɛe kɔfɛ, san 1960 nin oyé ankay yere mahorɔna tali san ye, o bena ni yelemai caman ye.

An ka farafina bɛe ye jekulu min sigi n'ɔtɔgo ye OlAye, oy'a jira ko nansaraw y'an ka jamana danboli ke cogo min na, k'u be t'o cogo la. Nin kuma fo tuma y'a soro bɛe be ka nin danboli jate i na fo nansaraw ka fen dilannen don, min te ben an ma.

N'an ye jamana ka danboli wafa jate, an be pinikali dɔkɔ : kun jumen na nɛmogow ye danfaraw ke ?

- Yaala u b'a fe kerɛnkereñyal ka kelew bali jamana kuraw ni nɔgon ce wa ?

- Walima u b'a fe ka fanga k'u kelen ta ye wa ?
Bɛe dalen be fen minna, o ye ko jamana kuraw ka danfarali bangera ni kɔdonnɔgonna ye jamana denw ni nɔgon ce. A kera sababu ye ka mara dɔw fara ka bɔnɔgon na minnutunye kelen ye kɔrɔlen, soro sira kan ani hadamaden kecogo sira kan. A kera sababu ye fana ka dugukolo dɔw ladonni siri jamana ka sariyawla, jamana denw yere tun be fere tige ka minnu ladon geleyaw wagati la walasa k'u yere lahine.

Danfaraw donnijamanaw ni nɔgon ce, o kera sababu ye ka Burudamew sigiyɔrɔ benjamana duuru ma. Usigilen be yɔrɔ yɔrɔ, ib'a kɔlosi k'u manca o jamanden ce la. O bolen, hake kelen t'u la nin jamana duuru kɔnɔ. O kɔlosili yera nin jamana kɔnɔ:

Nizeri : jamanaden hake ye 6.700.000, Burudame 500.000 de b'o kɔnɔ.

Mali : jamanaden hake ye 8.000.000, Burudame 300.000 de b'o kɔnɔ.


Burkina Faso : jamanaden hake ye 8.400.000, Burudame 30.000 de b'o kɔnɔ.

Liberia : Jamanaden hake ye 4.000.000, Burudame 50.000 de b'o kɔnɔ.

Alizeri : jamanaden hake ye 23.000.000, Burudame 20.000 de b'o kɔnɔ.

(Nin kunnafoniw bora Gafe kɔnɔ min nesinnen be jamana ka lasigidenw ka kow ma, zuwenkalo, san 1983 : a be fo a gafe in ma ko « Le Monde Diplomatique »).

Seyibane KULUBALI



SENÉ KANI

Guatemala jamana na, senekela dōw bē jiriw sene k'u ka foro bēe lakori. Hali dōw bē jiri dun taw sene u ka baganw ka yaaala yorow la. O la sa, u bē jiridenw sōro minnu bē dun walima minnu bē feere.

Nafaba bē jiriw la k'a sababu k'e, u bē dugukolo lakana tijeli ma. U bē dugu kolo jiidi nōgo la. O bē k'e sababu ye ka dugukolo sumayalen to. Nka nafa werew bē jiriw la. Olu file :

- U bē foro lakanā fijew ma

- U bē k'e tobilike lōgo ye Guatemala, senekelaw bē jiriw sene ka k'e foro sinzan ye walasa k'u ka forow danbo. O bē k'e fana sababu ye ka foro lakanā baganw ka tijeli ma. Sanni u ka foro lamini ni jiri jalanw ye, i na fō a bē k'e cogo min na kōrōlen, olu bē jiriw de turu ka foro bēe lamini. O baara in ka nōgo olu fe.

Jiri minnu bē sene ka foro lakori :

N'aw b'a fe k'aw ka foro lakori ni sinzan numanye, aw ka kan ka jiri minnu sene olu file :

Folō : Aw bē jiri minnu sugandi, aw b'a wajibya u ka k'e jiriw ye, jiri minnu kurulen tē, barisa ni jiri kurulen don a bolow n'a

Nafaba bē jiriw la: u bē k'e foro sinzan ye

buluw tē se ka foro lakanā tile ma.

Filanān : Aw ka kan ka jiriw sugandi minnu bē den, barisa olu bē dugukolo jiidi nōgo la min tōgo ye ko azoti.

Sabanān : Aw ka kan ka jiriw sugandi minnu bolow falenni ka nōgo. O kōro ye k'aw ka kan ka jiri bolo numanw de sene, barisa olu de bēna k'e jiri dafalenw ye aw ka foro kōro.

O jiri sene k'e sababu ye aw tē jiri san.

Sinzan jiriw bē sene cogo jumēn ?

N'aw b'a fe k'aw ka foro sinzan k'e, aw bē fere minnu tige, olu file :

Folō : Aw bē jiriw sun suguya kelendesugandi. O la, aw b'a wajibya u ka k'e jiri minnu tige, olu janya hake ka kan ka ben metere fila ma.

Filanān : Jiri bolow kōnolaw ka kan ka ben santimētē 10 ka ta se santimētē 30 ma.

Sabanān : N'aw bē jiri bolow tige jirisunw la, aw b'u tige jiri bolow cemance la.

Naaninan : N'aw bē jiri bolow tige, aw b'a k'e cogo bē la, u kunw ka janya.

Duurunan : Bulubē jiribolo ficiñin minnu na, aw b'o luti.

Wōorōnan : Aw b'a wakajiri bolow turu.

Wolonwulanān : Aw b'a wakajiri bolow turu ni jiri jalanw ye i na fō aw b'a k'e cogo min kōrōlen.

Seeginān : Aw bē nege juruw siri. O jiri jalanw la.

Konotonnan : Aw b'a wakajiri bolow turu jiri jalanw ni nōgon ce. O jiri bolow de bē k'e laban na aw ka foro sinzan ye.

Tannān : N'awka jiribolow kera jiri dafalenw ye tuma min na, aw bē jiri jalanw bo.

Tannikelenān : Aw bē nege juruw siri jiriw la. Aw bē se k'u gengen fana jiri ninnu na, o tē fosi tijē u ma. Nin y'aw ka foro

sinzannen ye.

Ni senekela min b'a fe ka jiri sene, nka jiri sene yorō t'a bolo, a bē se k'i sinsin nin miirina numan in kan.

Kolōsili : N'aw ye jiri sene minnu bolow bē fijē bali kase awka senefenw ma, o bē k'e sababu ye k'awka senefenw tijē.

Guatemala senekelaw b'u ka foro sinzanw k'e ani jiri dōw ye n'a bē fō olu ma nansarakan na ko Gilisidiya ani Leritirina.

Olu ka senekelaw bē min k'e kōrōlen, o file :

- U bē jiri bolow tige ka bila kalo fila nōgonna sanni samiñē ka se

- U bē jiri bolow bila foro kōro kalo kelen. O wagati kōro, jiri bolow bē falenni damine.

- U b'u turu kalo kelen sanni samiñē ka se.

R.R.R.P.D

An bē yafa jini k'e Kalamene kalan bagaw fe k'a sababu k'e baara na geleyaw ye : an y'a kolōsi ka fō ko filli caman b' an ka bō ko laban na.

MAAKOROW KA KUMA OAPF / UTS

Nin yorō ye aw de ta ye, an y'a sigi kalamene kono
walasa bëe bëe do soro an ka maakorow ka waleyaw la
minnu tun bë ke walasa ka kungokonola ladon.

Kalamene boko temelen, ne tun y'a foko kungo y'an yere de ta ye, o la an yere de ka kan k'a lakana. Mogo ka hakilila, ko nin kuma folen in ye ne yere de kumakan ye. Nka ne kumakan te, ne moce de ka kuma folen don. Ale de tun y'a miiri k'an ka kan ka kungokonola lakana tuma bëe. O kuma in ye tige latika de ye, k'a sababu ke, an ni jiriw de be mogon kan wa, an de fana b'an ka mago ne ni jiriw ye anka dñelatige kono.

Tige don fana, an ka yere mahorona talen,

jamana nemogow y'an ka dugu d'ow wuli ka b'u sigiyorow la walasa ka kungo d'ow ladon ani fanako forowkanasene a yorow la, kuma te jiri tige ma. Nka an be yoró min na bi, o yorow ladonni te se ka ke dugumogo ni togodala mogow kofe. K'a d'a kan an bëe kelen kelen na de ka kan ka don ko kungo ninnu ye anw yere de ta ye.

Ola sa, an bëe ka kan k'an hakili jagabo walasa k'u lakana k'u


ladon, barisa an bëe dulonnen don mogonna dije in kono i na fo jurukisse; ni kungoficinin ye dugukelen soro, o be se ka ke dugubaw fana ma, an be se ka kungow jate i na fo dugukolo nii don, barisa n'olu te dugukolo in kan, a bëe ke fuga ye, o be ke sababu ye k'an ka baganw je bin dun ta la, k'an ka tobili ke lgo soroli ani jiri suma ko geleya.


Hun yaala ne ka hineto weele in bëna lamen ne

balimaw fe minnu be duguw ni togodaw la wa? b'arisa nin y'a kalo 3 de ye nin kalo ye ni ne be ka jini Ala ni n ka donniya sababu la ka mogow kuma mogonna, minnu te n don, wa ni n nemada u kan fana, Walasa ka jira u la k'an be kungo ani hamina taw ni joro kow ye kelen ye sini nesigi kow la, walasa feré numanw ka tige ni kow la.

Sanbali Keyita senekela Majigi

MAAKOROW KA KUMA sereya do file





DI SONGO NI NII SONGO OAPF / UTS

Kalamene boko temelen, ne tun ye n ka kuma laban ni OAPF/UTS baarakelaw ka foli ye, barisa olu de kera sababu ye n'an ye fere kura soroankalaminiladoncogo la. O koro te ko ne be k'u majamu, nka an be nsana doda korolen ko ke ko de ye fo ko ye. Min ye di baara ye, anye nafa werejumeny'a la?

Min y'an ka lamini lakanali ye, ne ye fencaman'fo kan, kalamene boko temelen, nin sen in na fana, n bena do fo nafa werew kan.

Ne hakili b'a la fana k'a be kalo 3 bo bi ne be mansala di baara kan. Mali ni kalamene kalanbagaw ma u hakilinata jiranena, ney'a don k'u ye ne faamu, ne dalen b'a la fana u bena n jaabi. Nka hali n'u m'o ke, ne te segen a foli la abada, k'a sababu ke a be fo ko kuma juman kelen fo ko caman ye daamu ye.

Njunuw kuraw, minnu dilannen don ni jiri walima ni banw ye, u nafa ka ca : Folo: An be se ka sancaman ke di baara la ni njunu kelen ye.

Filan: Didenw te faga diboyoro la, o be ke sababu ye ka didenw ka wololi yiriwa.

Saban: Ni kungo ma jeni, i na fo ne dence Sibiri y'a fo cogo min, o be ke sababu ye didenw be jiri fere minnu ke ka di dilan, o jiriw be baraka kosebe.

Naanin: njunu kura ninnu kera sababu ye di be bo wagati be barisa di baara te se ka ke didenw ni

Nii songo ye Di songo nonabila ye, nka mogosima njine di ko. Sisan nii songo sarali bena dabila. Walasa mogo kana njine di ko an be do fo a kan. Sanbali Keyita ko k'a be do fo an jena di kan, an b'a lamen.

hadamadenw ko, olu de mago be di la. Mogoo mogo, n'i mago be fen o fen na, n'i b'a fe ka nafaba soro a la, fi ka fere juman de tige ka jesino baara ma. Osababu de nana ni ben ye ne ka dugu ni OAPF/UTS baarakelaw ce. Bibiinna, jiritigé anififin boli dabilara ne ka dugu kono

k'a sababu ke di baara ye bee fe, a nafa ka ca ni baara bee ye. O kolo sili ka nogo ne ka dugu kono k'a sababu ke bibi in na, mogocaman kera njunu ani di bo minenw jago-kela ye walima u be, njunu singa u dilanbagaw fe. O la sa, mogoo mogo mago be di bo minen o minen la, i b'a soro Bakari ka butikini kono Majigi.

Sanbali Keita
Senekela ka bo Majigi.

Kalamene boko nata, ni Ala sonna, an bena Bakari nininka, n'a kera a ma sababa ye, cogo minna a kera di bo minenw ka jagokela ye ani a be nafa jumen soro a jago la.

Di baara kecogo juman

Sibiri temelen Desanburu kalo tile 12 baro temena Ceba Jara ni Kalamene ka ciden do ce Farabana dugu ikono. O baro tun be tali ke OAPF/UTS ni Ceba Jara ka baarako njogonja kan di bo sira kan. Ceba ko k'ale ni OAPF/UTS ye njogon don kungo kona la idonni de senfe.

Yanni OAPF/UTS ka kungo idonni damine, ale tun be di bo ni njunu korolenw ye. O.A.P.F/UTS. de kera sababu ye n'ale be di bo tubabuw njunu la. O.A.P.F/UTS. de ye nin njunu ninnu lase ale ma. Nka sariya dow de be njunu soro li la O.A.P.F/UTS. fe, fo i k'olu bato. Ale be njunu ta O.A.P.F/UTS fe 500 je la. Ni san yelmar a be segin ka taga 500 je do werew sara. O ye san kura ta ye. Ceba Jara fe njunu kuraw nafakaca nin njunu korolenw

ye :

Afolo: ni njunu kura b'i bolo, i be se ka di juman bo ka tinelen to njunu kono. O be ke sababu ye, didenw be to njunu kono.

Filan: jiri kan yeleni te njunu kura la. A be dulon jiri bolow la ni nege juruw ye.

Saban: i b'i ka di bo, ka soro tasuma t'i bolo. O be ke sababu ye ka kungo kona la jenili bali.



Ceba JARA

Naanin: i be se ka njunu caman sigi njogon koro.

Duurun: i be di juman soro, i be se k'a dun walima k'a feere.

Ceba ko O.A.P.F/UTS. y' ale deme kosebe di bo baara in sira kan :

- Ale b'a ka njunu bila OAPF/UTS ka kungow kono.
- OAPF/UTS be di bo minenw donon ale ma.

Nka geleya min b'ale kan, o yedi bofiniye. Olu ka suru ale ma : U bennet te n'ale farikolo ye.

Ceba ko k'ale ka baro ni be laban ni fen min ye, o ye ka weele, bila senekelaw bee ma, ani di bo kanubagaw ma, u ka tubabu njunu san, barisa u nafa ka ca n'an ka njunu korolenw ye, wa u si fana ka ca.

Mori Dawo
kalamene sebenbaga



DUGUW N'U SIGIDAW LAMINI

Farabana musow ka baaraw

Sibiri temelen, Desanburu kalo tile 12 san 1992, Kalamene ciden ni Farabana musow ka jekulu ye mansala do ke u ka dugu kono. Farabana ni Bamako ce ye kilometere 30 nognna ye. U ka dugu ni Joliba ba ma jan. Jinan y'a san 4 ye, Farabana musow ka jekulu sigira sen kan. Farabana musown ni O.A.P./UTS ye nogn dñ cogo jumen ? Farabana musow y'a jira, ko kabini wagati jan olu tun be jiri jalanwtige O.A.P.F/UTS ka kungo ladonnew kono. O.A.P.F/UTS nana hakili numan do jira u la, min ye ka jekulu sigi dugu kono. U ye jekulu sigi ni muso 52 ye k'a togo da BENKADI.

Rokiya Keyita ani Sirafin Dunbiya sugandira ka ke némogow ye. Musow y'a jira O.A.P.F/UTS la ka k'u deme ni tonden karitiw ye. O.A.P.F/UTS ye o'd'u ma. U ye sariya do sigi, n'o ye ka karitiw feere Tonden bëe ma. Tonden bëe ye karitiw san. Kariti kelen songo ye 40 ye, 20 be bila u ka kesu kono, 20 to kera ka karitiw jini ka d'u ma walasa u ka jiri baara ke u sago la. O.A.P.F/UTS ye kungo jiri tige yamaaruya seben jini u ye. Kabini o kera u ni O.A.P.F/UTS. be baara ke nogn fe.

Kabini O.A./UTS. ye nin hakili numan jira u la, u ye faamuya camansorokungo jiriw ladoncogo la.

Benkadi musow ye dabali dñ tige ka jésin kungokonola jiri ladonni ma olu file :

Folo : u be tobili ke ni jiriw ye.

Filanen : u be logo feere k'u ka musaka dñ nénabo.

Sabanan : u b'u yere furake ni jiriw ye.

Filanen : n'u tagara jiri tige la, muso kelen kelen na bee be bala kelenta. Ni muso min ma sek'ata tige ka ban, o dugusaje, a be taga a to tige.

Sabanan : jiriw te tige sanfe, u be tige u duguma.

Naaninan : u ka san folo la, n'a sorola ko jirisabade falennen don yoro kelen na, u be kelen tige ka fila to yen. Sanfilanannnisabanan, u be jiri fila tige ka kelen to yen. Jinan, n'o ye san naaninan ye bala fila o fila kelen be tige. Min tigera jinan, o fana be falen kofe ka ke jiriye. Olu de be san O.A.P./UTS. fe k'u ke bow ye :

Duurunan : musow ye don kerénekérennen dñ sugandi logo tige in kama. O donw yentene ani araba. Nka don kelen te logow tali la. Ni muso min b'a fe k'a ka logo ta a b'u ka némogo ladonniya. farabana musow be nafa caman soro kungo jiriw la : U ka jekulu ye wootoro fila san. K'o sababu ke O.A.P.F/UTS ka deme ye. Uy'u juru ta. O wootoro ninnu juru tara de, Kalo o kalo 4.000 be sara u songo la. Wootorow be logo tta, ubébaara were ke mogow fe. Ni tonden ye wootoro ta baara la, a wayasi.



kelen ye 30 ye. N'i te tonden i be 50 sarawayasi kelen na. Wootoro san songo be bo kesu waria la. Farabana musow te kungo jiriw nafa ka ca :

Folo : u be tobili ke ni jiriw ye.

Filanen : u be logo feere k'u ka musaka dñ nénabo.

Sabanan : u b'u yere furake ni jiriw ye.

Jiri baara in kofe u ko, foro b'u fe, no ni so be sene min kono. O sene fenw be feere k'a nafolo bila kesu kono. Ni geleya be dugu mogo min kan, a be se ka juru ta kesu waria la. Kofe, a b'a sara.

Farabana musow ka siñesigi baaraw ye minnu ye, olu file : musow ka tinmineso, balikukalanso ani nakó sene. U b'a fe ka nin baaraw ke n'u ka kesu nafolo ye. Nka u be deme jini OAPF/UTS fana fe.

Benkadi musow ye gakuru nafama dilan u ka dugu bëe kono

walasa ka kungo jiriw lakana. O bolen, OAPF/UTS y'u dege gatonin dilan cogo la. Bi bi in na, gatonin dilanso saba de be Farabana. U be nafolo soro a la, u b'a ke balo fana ye.

Muso min ka gatonin baara yiriwale don kosebe o ye sirafin Dunbiya ye.

Farabana musow ka jekulu be OAPF/UTS fo ka d'a kan, OAPF/UTS de kera sababu n'olu ka baara bee jésinna kungo jiriw la. OAPF/UTS faamuya caman lase u ma.

U be weele bila jamana muso n'a ce bëe ma minnu be kungokonona la u k'u cesiri ka jiriw ladon, barisa u nafa ka ca.

U be deme jini OAPF/UTS ani bëe fe. U be OAPF/UTS ni

kalamene baarakelaw fo.

Mori Dawo
Kalamene sebenbaga

Boko soro songo :

MALI

Kalo Wooro	sefa	120
San kelen.....	sefa	240
farafina		
kalo woɔɔɔ.....	sefa	240
San kelen.....	sefa	96
farafina kofe jamanaw kalo woɔɔɔ. sefa	960	
San kelen.....	sefa	1920
Demeli sanni :boko kelen sefa		60

Boko jenseñemögö : Boko KEYITA

Boko jenseñemögö kankorosigi : Seyibane KULIBALI

sebenñijemögö : Mori DAWO,

sebenñijemögö filanen : Cemoko JALO

sebenjekulu : Seyibane KULUBALI, Bobo KEYITA

Baba SISUMA, Mori DAWO, Seku Umaru KUYATE, Darahamani MaYIGA

Boko cekala : Bobo KEYITA

Boko sebenw nénabobaga : Seku Umaru KUYATE ni Baba SISUMA

jawkebaga : Karimu JALO

Boko labenyoro : Kibaru

Boko sebenyoro : Kibaru

Boko hake min bora : 5.000

Boko sigiyoro : Kati

Boko lasigiso : Kolo togé be so min na Tomikorobugu

Bamako

BP : 3041 walima 2805.